

2-a Edizione Del Premio Letterario "MONTANARU" Desulo 1993

Sezione Poesia Sarda Inedita

---

Monteponi ? - Serrau !  
 Santu Giuani ? - Serrau !  
 Santu Benedettu ? - Serrau !  
 Mont' 'Agruxau ? - Serrau !  
 Campu Pisanu ? .....

*S'urtimu cantu de su minadoni*

*Est un'andai a pampas.  
 Est unu sighiri su scuriu.  
 Incerta sa sorti nostra felosa;  
 incertu su babbu e su fillu  
 òinas a hoi afferraus  
 a unu pani chi est costau po òinzas sa vida,  
 sgavau cun s'anima interrada...  
 Eppuru heus bintu s'inferru  
 de s'intragna alluposa de su monti;  
 Heus cantau sempri s'impresa nostra  
 cun prumonis asciuttus,  
 cun sa lingua siccada,  
 òortis sceti de sa mesu luxi de is làntias.*

*A corpus de musculu e scrafeddu  
 po seculus heus ingenerau  
 aundi su scuriu fiat prus nieddu,  
 arricchesas po is atrus.  
 Billaus, immoi, orfunus de su tempus,  
 cancellus e puzzus siddeus  
 coment' 'e losas antarticas,  
 agordendi unu soli studau  
 cun miccias longas de silenziu.*

*Coment' 'e mattas truncadas,  
 a sa miniera prus coddu non poneus,  
 ne imbriagus s'ingannu de is medis  
 cun canzonis de inventai,  
 surrungendi ananti de su cumpangiu fridu  
 curtu de is bremis.*

*E sa pena ...*

*Custa sincera amiga nostra;  
 Cust'amiga chi si 'onat bellea,  
 est abbarrada una tossina funguda  
 immoi chi sa mano non spaccat prus perda;  
 immoi chi sa manu stringit sa duda  
 ananti de is lucchettus de sa miniera...  
 S'illañanada duda  
 de no essiri prus medis de custu tempus.*